

光緒江西通志

江西通志卷一百七十一

列女一 南昌府

漢

雷子直妻漢末擾攘隨夫之從父客居豫章從父與賊交通郡收族之子直妻年少女太守客請以爲妻守死不從以還太守付吏殺之臨死顏色不變口無怨言郡吏及客憐之更還救請免既得活乃自割耳久之太守聞子直在遂還其妻

豫章書

晉

羅企生母胡氏企生爲殷仲堪長史及桓元跋扈仲堪走惟企生從之道經家門弟遵生執其手曰家有老母企生揮淚曰汝奉養不失子道一門之中有忠有孝亦

復何恨元嘗以羔裘遺企生母及企生見殺母卽焚之

晉書

宋

萬氏字晞豫章人少孀居無子事舅姑甚孝父母欲奪

而嫁之誓死不許內史顧憲之賜以粟帛表其節義

南史

顧愷之傳

唐

羅文姬字叔善南昌羅元幹之女少有令德行不踰閭

年十六適鄭氏夫疾篤執文姬手曰汝盛年當別適人

姬誓不嫁鄭亡水漿不入口者七日葬夫訖投繯死都

督滕王元嬰聞之奠以羊酒邑人楊懷秀爲賦哀之

豫章書

書

謝氏字小娥豫章人嫁歷陽段居貞與小娥父絮作賈
江湖竝爲盜所殺後小娥夢父及夫告所殺主名離析
其文爲十二言問內外姻莫能曉李公佐隱占得其意
曰殺汝父者申蘭殺汝夫者申春娥尋訪歲餘得之乃
詭服爲男子託備蘭家一日蘭醞酒會羣盜蘭與春皆
醉小娥斬蘭首因大呼捕盜鄉人踰牆禽春并其黨數
十皆抵死小娥還豫章人爭聘之不許削髮爲尼

唐書明

一統志謝志舊案小娥林志入晉白志據唐李公佐所撰傳改入唐謹案謝小娥見唐書列女傳林志誠誤謝志亦失考且去其車猴禾走之文而直書蘭存簡略殊甚今從唐書列女傳補正

周迪妻迪洪州人善賈往來廣陵會畢師鐸亂人相掠
賣以食迪餓將絕妻曰今欲歸不兩全君親在不可并
死願見賣以濟君行迪不忍妻固與詣肆售得數千錢

以奉迪至城門守者曰誰何疑其紿與迪至肆問狀見妻首已在柙矣迪裹餘體歸葬之

唐書

宋

譚汝平妻楊氏新建人年二十四而寡矢志事姑遺腹三月生子煥楊親訓之皇祐庚寅耆老舉其貞節奉自表其門立節婦貞義亭煥後任高安令楊受封年九十有六卒

謝志

彭烈女分甯農家從父泰入山伐薪遇虎將不脫女拔刀斫虎奪其父而還事聞詔賜粟帛敕州縣歲時存問

宋史

余釗妻李氏武甯人釗死長子大任方一歲次子大川甫一月父母屢欲奪其志李立三說以示不變一曰爲

人子當盡孝二曰爲人臣當盡忠三曰爲人婦當盡節
卒不可強舅思聰患盲姑潘老病朝夕侍湯藥不少懈

嘉定閒詔封孺人二子皆貴

謝志

吳世靜妻涂氏進賢人夫早卒止一女勵志守節以紡
績自給歷十五年淳祐庚申北兵遊騎至章江涂撫其
女曰世亂如此無辱身遂相攜赴水死

課章書

吳中孚妻進賢人少寡嘉定初兵亂攜孤女自沈於縣
之染步曰義不可污吾夫也

宋史

王德甫妻余氏豐城人德甫以訟喪家窶甚依先隴結
茅爲廬衣食不給有怨讟語余輒止之曰自取何尤德
甫令改適余曰婦歸王氏家非不裕至此命也婦人萬
無去夫之理卒不行勤紡績以供薪米居數歲以瓦易

茅爲屋五楹二十年未嘗出門闕筠陽陳仲微作節婦

傳以義之咸淳中權縣事危順吉卽其里立節婦坊給

粟帛

豫章書 謝志舊案吳中孚妻王節婦林志皆訛入元

萬性善妻吳氏進賢人年十七而嫁生子與夫歿諸舅以輿幼不足恃諷欲嫁之泣不應一日歸父集諸姊妹以利害誅誘旁引曲喻務相感動卒不變言未幾聘禮至門吳乃引刀斫案大慟仆地氣絕良久甦曰必欲強我命盡今日眾懼而止遂趣裝還自是不復歸甯保全遺孤迨卒揭俟斯題其墓曰貞烈婦

豫章書 謝志舊案萬節婦林志誤

作胡氏

竺梅英武甯竺壽翁女許聘冷氏未嫁夫逝終身守節

時稱竺夫人東門外石橋其所建也

謝志

元

霍榮妻段氏龍興人榮無子嘗乞人爲養子榮卒段年二十六孝養舅姑舅姑歿諸父利其產謂曰汝無子宜改適卽入室引鍼自刺其面墨漬之誓死不二大德二年府上其狀詔旌其門

明一統志

鄭伯文妻丁氏新建人大德閒伯文病將歿丁與訣曰君脫有不諱妾當從但君父母已老妾且忍死以奉其餘年必不負君伯文卒丁年二十七居喪哀毀服除其父母議嫁之丁慟哭言所以不死之故父母遂止舅姑嘗病丁夙夜護持及卒喪葬盡禮事上表其門

明一統志

趙時燭妻陳氏進賢人夫亡不再適延祐閒特旌之趙喻克成妻熊氏南昌人克成早卒熊氏始終不虧婦節

至治間旌表其門

謝志

姜氏二節俱龍興羅仲敬女姊適進賢姜興一妹適其弟興二至元乙亥俱擄於寇欲汙之不從迫脅以去行

至真隱鄉之規頭同赴水死

謝志

袁用賓妾孔氏富州人至元兵亂縛用賓去孔隨至臨川之名賢鄉度夫無脫身理遂踴躍號呼赴水死

豫章書

朱至真

一作本

妻袁氏豐城人元丁亥歲夫遊學自燕還

買舟上贛省兄袁偕行欲入閩適壬辰兵變遇寇袁氏

義不受辱卽投水死至真獲免終身不再娶

豫章書

劉濯妻萬氏南昌人濯率鄉兵禦寇不克死萬哭殞以

殉時稱烈婦濯字德江明忠臣端之祖

豫章書

戴復古妻某氏復古能詩江湖四子之一也未遇時流

寓武甯有富家翁愛其才以女妻之居二三年忽欲作
歸計妻問其故告以曾娶妻白之父父怒妻宛曲解釋
盡以匱具贈夫仍餞以詞云惜多才憐薄命無計可留
汝揉碎花牋忍寫斷腸句道旁楊柳依依千絲萬縷抵
不住一分愁緒捉月盟言不是夢中語後回君若重來
不相忘處把杯酒澆奴墳土夫既別遂赴水死豫章書
王粹甫妻呂氏進賢人少寡撫孤女織紵鍼縷爲食至
正初歲饑有謀強娶之者乃慟哭攜其女同赴水死豫章書

姜本道妻彭氏本源妻葉氏俱甯州儒家女至正中道
源起集義兵隨省委州判湯盤克復州治賊黨余祐二
率眾追逐至本道家兄弟與賊拒敵俱爲賊易勝所禽

罵賊死彭與葉訣曰我夫既死賊必辱我乃引刀自剗
葉亦隨之死謝志

余文佐妻費氏字尚珍奉新人幼秉志操值元季兵作
隨夫避難至正中渠寇虜掠鄉里惡文佐守義不入其
伍遣卒縛文佐尋殺之費驅迫前行至橫岡寇欲汙之
自投潭水而死豫章書

王憲章妻吳氏進賢人元世以守節聞謝志

劉應震妻范氏富州人應震得心疾合盞之夕不能成
禮出就異室未幾卒服除母欲改適曰未配非改節也
對曰名在劉氏家廟夫以疾廢姑在誰養去之可乎姑
歿復有以爲請者誓死不易居五十年如一日卒年六

十九謝志

譚孟發妻熊氏新建人陳友諒兵至孟發遇害子堯舉
纔四歲熊抱歸母家遇賊於松湖栗木橋執之不屈以
身蔽子賊斫其背匍匐至母家而死明洪武十年採入

節義錄

謝志

熊氏字琇新建熊仲文女幼通翰墨許鄧某未歸鄧卒
訃聞誓不他適爲服三日至正辛亥正月三日自縊死

一時人士多爲詩詞弔之後人憫其貞烈每歲遇忌日

設饌以祀謂之烈女祭

謝志 謹案至正無辛亥當有說誤存以俟考

劉氏二烈女龍興人長曰貞年十九次曰孫年十七皆
未許嫁陳友諒來寇其母泣謂二女曰城若破置汝何
所二女曰甯死不辱父母也城陷二女登樓自縊

明一統志

謝志舊案函史二烈
女之婢鄭奴亦縊以殉

余烈女字五英新建人元末劇賊史普清據縣之新塘聞五英有姿強委禽焉率百舸至父母與族眾大駭議未決鼓噪而前五英從容跪請曰與兒自經家庭於兒則得如累父母何因盛飾謬爲登舟合卺禮畢五英佯欲嘔二婢擁出舟閒突赴水死

豫章書

陳烈女字淑真富州陳璧女也璧故儒者避兵之隆興淑真七歲能鼓琴誦詩至正十八年陳友諒寇隆興淑真見鄰嫗倉皇來告取琴彈之曲終潸然流涕曰吾絕絃於斯乎父母怪問之淑真曰城陷必遭辱不如死明日賊至投東湖水中水淺不死賊抽矢脅之上岸不聽中矢死時同郡李宗頤妻夏氏名婉常亦儒家女匿居後園中賊至挾其女共投井死

元史

高烈女甯州人年十七有殊色元季盜起匿巖穴中盜
詰其弟得之高抗聲曰我在室女未受父母命豈可擅
事人盜甘言誘之再三高曰吾甯死不屈也盜強之高
大罵不服乃拔刀示欲殺狀高忻然受刃卽遇害錄章書
蘭烈婦不知何縣人陳友諒部屬鄧平章者聞其美盡
殲其家獨畱蘭欲娶以爲妻蘭先殺其四歲子題詩自

刎死

錄章書

明

林全禮妻萬氏豐城人全禮任江陰衛百戶從征溺死

萬年二十四守節養姑洪武閒詔旌其門

謝志

譙伯仲妻涂氏字淑貞南昌人嫁甫二載伯仲遊不歸
淑貞年二十二誓無他志事姑以孝聞後立從子爲嗣

洪武閒旌

謝志

舒銓妻余氏南昌人

一作靖安人

早寡有寇至欲執而辱之

余自墜溝壑曰我家子甯死不受辱罵不絕口賊怒

殺之

豫章書

喻銘遠妻梅氏字玉英南昌人年二十二而寡植梅堂

下以自誓孝養舅姑撫子仕顯授以儒業洪武閒旌表

年六十六卒

謝志

王伯崇妻熊氏豐城人伯崇卒熊年二十七遺子甫二

歲家甚貧撫孤守節洪武閒旌

謝志

龔俊章妻鄧氏南昌人年二十九俊章歿鄧飲痛秉節

至晚益堅同邑李秉良妻葉氏早寡守志皆於洪武閒

旌

謝志

任騰保妻楊氏騰保南昌左衛軍也楊早寡守節旌表

謝志

劉貞女淦城劉均女許適南昌趙主簿之子世亂道阻婚禮未成歲癸巳鄉之爲暴者強委禽焉女自度不能拒卽投井死文江解蒙爲之傳安城劉霖復銘墓碣先

是其二昆皆從穆監州舉義兵死

楓谷集

胡以謙妾周氏金陵人永樂初以謙爲海口鹽課副使死於兵周日夜號泣求尸得之欲以死殉其父母止之曰汝今有娠盍爲胡氏一脈計且千里歸櫬汝責也奈何欲死越月生子伯槐護喪歸葬甯州豪慕其姿周斷髮自誓撫孤成立縣丞黎斌欲上其事固辭乃止

謝志

魏文博妻湯氏奉新人早寡守節永樂閒旌表

謝志

秦本固妻周氏南昌人永樂閒營北平宮室本固爲千夫長采木萬年山中抵吉州嬰疾卒周年未三十屬節撫孤正統閒旌表其門

謝志

胡闕七妻李氏南昌人夫卒送葬扶靈歸有聚而觀之者問曰彼觀者何侍者曰阿叔已許爾嫁李曰烈婦無二夫吾矢必死矣乃痛哭於夫靈前付孤於叔自投水

死

豫章書

劉天瑞妻熊氏南昌人熊少寡有子仲高娶喻氏亦少寡生子觀方四歲熊自念孀居艱難因諷喻曰此犖犖四歲兒安可冀望喻泣曰姑能不負所天吾獨不能乎觀竟有成立孫曾二十餘人熊卒年九十一喻亦八十二人以爲孝節之報

明書

陳氏字若英高安人許字靖安舒連連以正統閒隨父知府敬宦嘉興卒於道喪還若英聞之悲慟不欲生母憐而解之乃拭淚潛入寢室自經死時年十九舒氏迎

柩合葬白粉山詔旌其門曰貞烈

諱章書

吳安泰妻胡氏進賢人早寡立嗣守節其母將改嫁之

泣曰願從夫於地下語既潛縊於室從姑暨鄰姬覺而

救之終誓不二正統閒旌

謝志

胡思敬妻曾氏南昌人年二十三守節九十七卒同邑

吳應春妻喻氏龔本義妻李氏熊聰妻周氏俱早寡守

節正統閒旌表

謝志

熊叔輝妻陳氏叔信妻涂氏進賢人俱早寡同心守節

以紡績事舅姑陳先卒涂於正統閒奉旌

謝志

范頤妻孫氏豐城人頤卒孫年二十二矢不二天以伯

之子爲嗣正統閒旌

謝志

吳

一作胡彥文妻項

頤一作氏豐城人字佹奴彥文贅其家

未三日以父疾歸父歿而彥文暴卒訃聞項號痛幾絕

卽歸治喪養姑盡孝守節五十三載卒天順閒旌

謝志

周珍妻吳氏豐城人年十八適珍二載餘珍遭疾踰歲

弗痊曰我終汝事他人吳因以死自誓珍亡翼日殮畢

吳及暮入寢室自縊死合葬登仙鄉號節婦冢

謝志

孫氏豐城人適周懋昭年甫二十越三載而懋昭卒於

官遺腹生子仁誓不再嫁紡績勤苦供養舅姑

謝志原案懋

昭官庶吉士初姓周後改姓徐故林志稱周安志稱徐今從林志

胡氏豐城人年二十三適翰林庶吉士黃墩甫二載生

子張瓏卒於官胡自京扶櫬還誓以節自守家貧紡績

以資日給

謝志

余繼妻熊氏字審奴豐城人年二十一歸繼繼疾度不能起語以備後事熊出篋中衣對繼紉定每襲爲二泣且謂曰卽有不幸吾當服之以俱死不能獨生也繼卒熊昧斂畢聞家人議舉棺焚化卽衣所紉衣期赴火死家人察其意防之少懈卽自縊與繼同日合葬

明書

舒宏道妻王氏靖安人年二十八而寡子三人皆幼王撫孤成立長子仲甫娶陳氏生男未週歲而仲甫卒陳亦志操不二兩女曰靖正靖貞俱早寡從一而終人謂

舒門四節

謝志

涂護妻熊氏陳元妻熊氏俱南昌人早寡守節袁習廣

妻鄒氏周咨謀妻徐氏熊煥妻丁氏俱豐城人早寡守

節皆於成化閒旌表

謝志

徐試妻胡氏豐城人試卒有子綺寓京師未歸停柩以待之一日鄰火起煙燄蔽門綺妻李氏撫柩籲天誓與俱焚火燎及屋李泣謂胡曰勢急矣婦在此姑亟自全胡竟不肯去姑媳抱持號泣天忽爲之反風環燒百餘家惟柩所獨存觀者嘆異

豫章書

曾翊如妻萬氏鞠秋華妻齊氏俱進賢人早寡守節成

化閒旌表

謝志

任夔妻孫氏豐城人夔卒孫年十八守節至八十而終

又夏希武妻傅氏早寡撫孤守節皆於成化閒旌

謝志

楊源滄妻聶氏龔大邦妻胡氏俱豐城人早寡守節成

化閒旌表

謝志

錢仲權妻劉氏新建人仲權充糧長解米赴京道卒劉年二十二撫孤守節同邑謝同權妻鄧氏早寡守志魏庭梧妻熊氏年二十四撫孤守節皆於成化閒被旌

謝志

李氏字妙惠揚州人適南昌士人盧身穿穿禮闈下第讀

書金山寺中絕音耗成化閒有同名者死京師鄉人誤傳父母憐其貧寡強之嫁於江西鹽商謝啟至則操節求死啟不能犯一日啟發舟歸過金山寺李題詩壁閒

以誌其事盧登第歸偶遊金山見其詩感李之貞迎以

歸豫章書謹案府志據馮猶龍雜記言謝啟請婚李

自繪者再比入謝家謝繼母亦揚州人李跪請日願延斯須之命爲主母執役侍母旁不去謝不敢犯復求爲尼不果後歸西江破舟先發母偕李一舟泊金山下爲詩書寺壁云云舊志敘事過略附錄於末又穿爲南昌人成進士選舉表無穿名俟考

胡紳妻謝氏奉新人年二十九紳歿生遺腹子佑撫育

成立始終不二成化閒旌

謝志

舒矜式妻楊氏進賢人年二十三守節同邑熊時雅妻

謝氏早寡一子方歲餘誓不再適文鑑

一作

妻吳氏早

寡撫孤女守節傅金妻艾氏年二十三金卒無子父母

諷其改嫁不從姑年九十餘艾孝敬如一日

謝志原案已上進

賢四節婦林志作成化閒旌表安志作宏治閒旌表

胡玉祥妻張氏陳定綱妻周氏俱豐城人早寡守節宏

治閒旌表

謝志

余睿昭妻游氏南昌人年二十九睿昭卒矢死不二撫

從子銘爲嗣紡績以養舅姑守節三十年非祀先不接

宗族同邑蔡金妻鄒氏徐秉淵妻吳氏俱早寡守節宏

治閒旌謝志

李銘妻王氏豐城人成化閒銘卒王年二十有四誓不
二天食貧事姑孝撫子濬成立守節五十餘年年七十

八卒宏治閒旌謝志

徐仲英妻周氏宿州人嫁及笄而寡無子拮据以事舅
姑後舅姑歿無所依奉三主歸母家紡績爲生守節六

十餘年謝志

丁紳妻范氏豐城人年十九紳卒守節不二宏治閒旌

表謝志

高紹妻樊氏進賢樊公輔女年十八歸紹甫二載而紹
卒無嗣誓不改適時紹弟緝方五歲撫之有成爲娶其
族妹踰七年緝亦卒其妻泣曰吾姊能以節持吾獨不

能自勵乎於是同心以守孝事舅姑撫緝子啟旺補諸生姊年八十二妹年六十卒人稱雙節

謝志

胡魁妻聶氏南昌人年二十五魁喪聶撫孤克執婦道居數年舅惑於繼妻偪奪其志聶額天以死自誓舅禁之於室期日嫁之聶哭曰我死不難惟孤無託密以衣物賂族長得還母家舅知其志不可奪命之歸居外舍貧苦百端終始不渝年六十七卒宏治閒被旌

謝志

李與鎬妻林氏豐城林懷瞻女四川副使猷之子婦也年十九歸李甫二載生子平與鎬卒平尙襁褓族豪利其有百計害之林恐平遇害密託於外氏育之身嬰其鋒豪見林志難奪夜執刃毆之中額流血被面時繼姑徐氏年二十五亦孀居林往依之得免自是姑婦相與

守節不渝教子俱克有成孫逢遂繼登科第人皆賢之

謝志

聶仲英妻楊氏新建人仲英卒時年二十九遺孤義方

六歲楊誓不二天守志四十餘年子登正德五年鄉薦

楊年七十三卒

謝志

盧貯妻夏氏武甯人年二十一貯卒有孤國良生未朞

歲夏嘗夢夫告以宅寒作墮水狀驚覺啟穴視之則積

水滿壙棺已朽矣泣抱骸骨歸歷十三年始得善地葬

焉宏治閒年八十詔旌其閭

謝志

謝氏南昌人年十八適楊俊家酷貧婚踰月俊隨父商

於蜀謝奉姑備嘗辛苦越三年俊歸舟至吳城溺水死

謝聞悲號幾絕引斧碎額妯娌驚救得甦及夕自縊死

聞者傷焉

豫章書

陶振綱妻李氏南昌人年二十三夫喪遺孤在襁裸舅姑以貧欲奪其志李斷髮自誓後又強之欲挈孤同溺

乃止勤織紝以供親膳訓子有方鄉人皆歎慕之

豫章書

萬氏南昌人獻女年二十歸閔邦燦半年邦燦商遊三年歸溺鄱陽湖萬聞之哀痛期於必死舅姑勸止之不

從延其母諷諭之萬佯諾一夕具服從容就縊死

豫章書

賴文璧妻胡氏字員貞豐城人歸賴再旬日文璧訪外舅溺於磯山渡胡因歸甯過夫溺處卽自沈於水家人援之得不死母憐其少諷之改適胡不從聞納聘遂自

縊死

豫章書

趙孝女名郡珍進賢人叔式之女母萬氏正德閒叔式

以吏攜家京師萬氏病於儼舍郡珍親嘗湯藥衣不解

帶者累月萬歿郡珍痛母客死願以身從先與父訣一

日晨起剪畢縊於寢所正德閒詔表其門

豫章書明史孝義傳序

葉氏字兆姚南昌葉相女幼字新建李素乾子光庭未

娶卒兆姚時年十三先夢光庭騎白馬衣素入其室相

攜補綴覺以告媵母冷氏越數日訃聞傷之誓不改節

父母憐其幼強爲轉聘兆姚聞之自縊死

謝志

張仕琦繼妻洪氏南昌人年十七歸張越二年而寡矢

志不二撫育前妻子源得有成立貞白之操著於鄉有

司特加表異焉

謝志

吳祺繼妻徐氏妾張氏李氏俱豐城人徐事姑以孝聞

嘗從祺北上抵河西祺忽墮舟徐躍出俱下水旋抱以

出祺逝奉櫬泝長沙風烈舟顛徐哀顙天舟乃定李
無出張嗣孩提或有以他意諷之者徐曰婦人夫死稱
未亡人無再醮禮顧守適各惟所志張與李泣曰列女
無二肯憚一死辱大人于地下茹苦服縞共撫其孤事

聞旌表

明書

余福熙妻王氏武甯人年二十二福熙卒於商遺子遠
山方一歲王覓棺歸葬舅姑欲奪其志誓死不易撫子
守節有司奏請旌表卒年六十

謝志

濮氏女名貞南昌人許字費愚正德丁卯愚年二十一
二弟溺於池救之竟沈而死濮聞之泣且嘆曰業已許
之矣不幸有此復誰許邪即潛入室自經死

楊文恪集

張在魯妻羅氏名素珠西昌進士張峯之母歸張十年

數乳惟一女大懼弗嗣請置妾訪求得羅家女宜以歸
生子岑峯羅氏皆躬育之正德丁卯舅歿姑畱螺湖羅
氏親執喪饋養無違姑遘疾躬進湯藥廢寢食者三時
卒年四十有七

歐陽恭簡集 謹案新
建進士無張峯俟考

胡鏡妻何氏進賢人善事舅姑正德六年夏寇至姑老
疾艱於行何負之踰牆避焉姑尋以驚卒暨冬寇復至
眾皆逃匿何泣守姑柩不去遂被執行至苦腸陂罵賊
投入陂內死收其屍貌如生

豫章
書

李瓚妻胡氏奉新人年二十三撫孤守節劉元妻羅氏
南昌人年二十三守節楊灌妻汪氏武甯人早寡守節
俱於正德閒旌表

謝
志

黃充

一作
克

傑妻劉氏豐城人年十九充傑卒撫遺腹子

守節同邑胡甯固妻熊氏黃季遜妻吳氏俱撫孤守節

正德閒旌

謝志

王朝卿妻方氏新建人朝卿舉進士授知州未幾卒方
年十九無子立從子諫爲嗣諫在襁褓拮据撫育後病
革惟曰雙梓雙梓他無所及諫以明經任通判孫淑澍

並登進士

謝志

王忠十妻陰氏奉新人忠十病有術者言婦不利於夫
陰聞之曰於夫不利生何益不如死以存夫焚香叩天

請以身代沐浴整衣自縊浹忠十亦殞遂合葬

謝志

王庭當妻陳氏甯州人年二十一守節正德閒旌表

謝志

涂曰連妻胡氏豐城人年十九守節撫孤母欲奪之卽

剪髮斷指以自誓壽踰七十學使蔡清表其廬

謝志

盧鵬舉妻聶氏武甯人鵬舉商卒於外聶年二十有子伯軒一歲訃至哀慟欲死家人相與防閑數月不懈乃以紡績自給乘隙卒自經而死

豫章書

潘濡妻熊氏豐城人侍郎懷之女也濡以溺死熊破鏡矢志半藏濡柩半以自隨年八十二卒遺命以半鏡殉

謝志

常氏直隸吳橋縣人嫁豐城李與祿歲餘與祿卒旅邸常遺腹生一男扶櫬歸父母畱不聽去常泣曰吾畱將

置此兒何所卽以死爲誓竟歸茹苦完節

謝志

郭匡晉妻溫氏新建人事舅姑極孝謹姑廢明昕夕侍側飲食親調以進行必扶攜伺就枕然後卽安姑疾剗股療之立愈及匡晉喪溫年二十一子幼或微諷以更

適温摘髮碎鏡誓死靡他年九十二疾革有白衣道者

與以異劑服之而瘳人以爲節孝之報

豫章書

陳鳳彩妻羅氏南昌人年二十二守志七十五歲卒無

少玷缺宗黨共嘉其節

謝志

諶珂妻蕭氏南昌人年二十歸諶正德七年羣盜突至蕭攜幼子走避東坪圩涂公井側盜追及欲辱之度不能免乃和顏給脫粹投井死盜將刃其子得鄰翁王祿

丐免嘉靖間旌

謝志

諶炷妻陳氏炷豐城人官南湖嘴巡檢司正德七年流

賊執炷陳與女壽英厲聲罵賊俱被支解

謝志

余陽妻張氏奉新人年二十一華林賊入境張被掠行至後坪旅店賊黨欲辱之張憤怒曰吾有死而已賊遂

殺之至死罵不絕口同邑易功廉妻江氏年二十五遇
華林賊被執驅令前行至西岡段據地不行賊怒斷其
首而去

謝志

周南妻彭氏奉新人適周二載而南沒子時權甫生三
月誓死守節以撫孤自任更一月而姑亡踰半載舅亡
甘貧子立操守不渝奏聞旌表卒年六十有八

謝志

萬文式妻徐氏南昌人年二十七文式卒撫孤又亡立
一嗣不賢家產蕩廢殆盡徐毫無怨言布衣饘粥以終
其身凡婚嫁慶會絕不與焉巡撫特表其閭

謝志

萬時徹妻伍氏南昌人年二十二孀居柏舟自矢卒成
遺孤族子侍郎恭有贊

謝志

顧氏奉新人年十七歸宋承慶踰年承慶歿誓以身殉

救父世稱其節孝鄒南皋爲之詩謝志

方義立妻支氏進賢人嘉靖閒義立溺水死方聞訃哀

慟竟日夕越數日悉出其有歸於姑登樓自縊萬鏗爲

詩哀之謝志

羅念三妻陰氏奉新人苦志守節宋莊靖蔡恭肅爲之

詩及傳謝志

王公庭妻查氏甯州人年二十一守節事姑克盡孝道

謝志

盛氏字善才仁和盛文郁女孫許聘同邑潘有成未娶

有成夭死女奔訃會水沒舍漂其尸女痛幾絕矢志不

再從人隨祖文郁任武甯知縣祖父俱卒遂畱家焉女

招有成魂葬之歲時祭必慟哭撫第遺孤如海如江俱

成立年七十卒葬於石窩山而石合其壠人謂勁氣所

致云

豫章書

祝氏甯州人許聘同里盧榮年二十未歸榮病革女請

往視慰之曰君不諱我爲立後遂斷一指以誓立所親

子繼之一日謂諸婦曰我將浴若等且去遂於私室浴

竟更衣無疾而逝人指其藏爲貞女墓

豫章書

李氏豐城人年十八歸經歷高枝枝疾卒於京師號泣

幾絕不食七日不死姑慰之曰與死孰與撫孤家貧紡

績自給迄老如初邑羅火比鄰環燒獨存其室咸謂天

憫苦節有司上其事詔旌其廬曰貞節

謝志

賴氏豐城人適楊文恪孫某早寡矢節撫三孤有成人

稱賢母邑令申請旌表

謝志

李度妻熊氏豐城人年十九夫亡卽自縊於柩側姑覺
救免母家強諭改節熊毀容矢死奉詔旌表

謝志

黃一清妻游氏豐城人年二十三守節嘉靖閒旌表

謝志

金曰榮妻孫氏新建人年二十一撫孤守節孫銑嘉靖

丁未進士後旌表

謝志

張氏字文娥新建人知府元春女適南昌衛指揮使方
印正德庚午印督兵討姚源盜死難張年二十三聞訃
號曰吾夫以死報國吾何難以死報夫一慟遂絕救之
得甦以懷娠默禱曰姑俟之男也勉強存祀若女吾與
俱殉矣踰月生子恩盡瘁事姑撫子成立嘉靖閒旌恩

官都督僉事

謝志

聶莊妻潘氏豐城人莊商泗州病卒潘聞訃號哭幾絕

舅姑促令改嫁適驟雨溝中漲不滿尺整衣赴水而死

豫章書

蔣欽

一作欽

妻黎氏豐城人嘉靖辛酉廣寇掠邑境黎恐

被辱卽投小池以面入泥中死

豫章書

李籲妻龔氏南昌人年二十守節撫孤子裘登嘉靖進

士奉旌

謝志

宋聰一妻鄒氏豐城人聰一卒旣殯營葬鄒謂工曰可

作雙塋遂自縊竟合葬焉

豫章書

胡璉妻秦氏新建人璉卒秦無子妾鄧氏子綱甫二歲

秦與鄧撫孤成立嘉靖乙巳綱發穀米二千石贍饑爲

母乞旌巡撫奏聞旌表

謝志

夏才兮妻熊氏李聰妻范氏管澄清妻胡氏范用志妻

孫氏劉瓊妻吳氏俱豐城人夫亡守節奉詔旌表

謝志

李謨妻岳氏甯州人年二十四謨歿岳守節撫孤仲薰

娶姚氏爲婦未幾仲薰又歿姚年十九姑婦食貧相依

爲命鄉人賢而哀之

謝志

查勛己妻沈氏甯州人能盡婦道姑患風疾出入扶持

惟謹年二十九勛己卒哀痛求死姑以方娠止之閱旬

生子孟常撫之成人教有家法

謝志

方一作王廷鳳妻陳氏甯州人年十九守節常以查勛己

妻沈節婦自期至老雖病劇不面醫閨門肅然卒年五

十九

謝志

朱朝濟妻羅氏豐城人歸朱二年而朝濟卒視殮畢遂

自經死嘉靖閒旌表

謝志
府志

謝聰妻楊氏新建人年二十夫喪蓬首惡服朝暮哭泣無子立從子廷和爲嗣娶方氏生孫天允而廷和卒方年二十四姑婦同撫天允比長娶鄧氏未幾天允又天生遺腹子產正鄧年二十二累世守節嘉靖末楊以壽終題請旌表

謝志

高啟弼妻鍾氏南昌人早寡守節隆慶閒旌表

謝志

黃如鯨妻熊氏豐城人年十七夫亡撫遺腹子守節萬曆閒詔旌之

謝志

余用義妻王氏武甯人適余二載用義卒守節撫孤永甯年七十二卒

謝志

周子英妻易氏新建人年十六適周十八而子英卒撫遺腹子傑父母勸之改適不從遂翦髮毀容以明志家

貧甚手繒紉麻桌以養舅姑至萬曆丙戌凡六十七年

巡按奏旌

謝志

蕭

一作葉

一和妻劉氏南昌人年二十九和卒誓以死殉

觸棺復甦赴河獲救越四日家人防之稍懈乃沐浴告

靈返室嚼舌而終

豫章書

劉斯圭妻甘氏南昌人年二十一守節年八十餘

謝志

方叔壯繼妻陶氏新建人歸方五閱月而寡陶誓死守

節撫前室子彭庚堯庚不異已出後俱領鄉薦萬曆閒

旌表

謝志

熊表妻丁氏南昌人年二十四而寡守節撫孤惟學成

進士官至府尹

謝志

涂綱妻某氏南昌人年二十八夫亡守節撫子宗潛登

萬歷癸未

白志
誤丑

進士官至尙書奉詔旌表

謝志

黃總妻雷氏豐城人尙書禮之女夫亡撫孤守節建坊

旌表

謝志

黃粟妻李氏豐城人年二十二而寡守節養姑姑目盲

李朝夕祝天躬爲洗拭遂復明里人嘆爲孝感

謝志

伍守中妻黃氏南昌人早歲守節撫孤仕望登萬歷丁

丑進士

謝志

喻一魁妻魏氏南昌人年二十五守節至九十旌門

謝志

樊徹妻聶氏進賢人年二十一而寡撫遺腹子輪後輪

以貢授訓導萬歷閒旌表

謝志

楊用寬妻李氏南昌人年二十八而寡守節撫孤年至

七十八同邑劉浹妻周氏浹登進士甫釋褐而卒周守

節撫二孤兒是後兒登鄉薦是登進士李秀芳妻郭氏

年二十四秀芳卒無子守節歷四十餘年章漢妻樊氏

年二十三而寡守節歷三十餘年俱萬歷閒旌表

謝志

黃廷繼妻陳氏南昌人于歸半載廷繼客遊南畿家徒

壁立陳宵分紡績以供菽水三年而旅訃至慟哭七日

不食自縊以殉萬歷閒旌表

豫章書

游璣妻黃氏豐城人年二十守節至九十一而終

謝志

萬尙德妻嚴氏新建人早寡守節事舅姑盡孝萬歷閒

旌表

謝志

鄧懷德妻楊氏南昌人早寡守節年至百歲旌門

謝志

李壽妻鄧氏進賢人壽卒鄧年十七哭泣誓死葬後卽

自縊以殉

豫章書

馬坤妻王氏進賢人年十九守節撫孤萬歷閒旌表

謝志

易氏字妹貞高安易濱女許聘儀賓楊漳子鏞未婚鏞

卒妹貞聞訃墜樓幾死誓不再夫奔弔楊氏朝夕哭奠

期年自縊柩前事聞旌表

明書

樊氏字鳳英南昌樊昱之女許聘新建萬尙宏萬歷丙

子將歸於萬會宏病不果女爲廢寢食或曰卽萬郎不

起奈何女曰有死耳丁丑秋尙宏病甚昱視之歸給女

曰萬郎病少閒訃至女急詢尙有絲氣否曰亡矣女急

白母我卽歸治萬郎喪母曰遲若父歸乃遣若女痛不

自禁登樓自縊死合葬城頭之源

兩溪集

萬氏字會貞新建萬國隆女許字南昌胡欽恭後欽恭

痘殤會貞聞訃痛哭易縞衣白母欲臨其喪母及家人

力阻之及聞殯出曰何不待我憑棺一哭邪自是以死
自訣家人防之甚周一日佯解顏色理髮整衣忽遣二
婢出登樓自經時年十七萬歷間旌表

豫章書

萬氏字考英新建萬言女諱聘閩士毅會士毅病篤考
英求侍湯藥父母難之及訃聞一哭幾絕易縞衣願隨
父往致奠不可慟哭益甚諸母勸慰多方竟弗解瞰母

往治庖饌潛詣密室自縊死

豫章書

徐鍾妻屈氏南昌人年二十五鍾客死河南訃至慟哭
卽自縊姑蔡覺而救之時有一子在抱蔡曰汝亡謂此
藐孤何因以撫孤守節自期母憐其早寡欲令改適乃
斷髮以示己志紡績養姑姑歿喪葬如禮里稱其貞孝

謝志

徐執楊妻吳氏奉新人年二十三執楊歿子熾甫二歲吳撫之成人年八十一卒蟠峯李遷哀其節爲文以述

之謝

志

陳傑八妻李氏奉新人年二十一而寡觸棺幾死越四月遺腹生子誥姑曲論之乃自勵節紡績易粟以養姑終身足不履門閫鄉里共稱之

謝志

黃相妻熊氏南昌人年二十六相以授書客死鳳陽熊食貧守節撫遺腹孤諭以終

謝志

林泮妻鄧氏新建人年二十三泮卒子幼家貧翁姑勸其再適鄧慟泣欲死自誓不二日勤紡績以事舅姑守志四十五年鄉里皆頌其節

謝志

方來賀妻陶氏新建人年十七歸方越四載來賀卒遺

腹生一子陶拮据撫育孝事繼姑嘗割股以療其疾

謝志

鄧永楨妻熊氏新建人年二十七夫亡遺三子俱在襁

褓家無親族熊食貧課子冰操嶢然至七十餘歲卒

謝志

萬仲善妻蕭氏南昌人夫亡守志子知事崇儒娶梁氏

孫國奇娶方氏俱早寡守節而終里中號爲三節

謝志

吳桂芳妾張氏新建人桂芳官尙書既卒張年二十五

守節撫孤緒延長任中府都事

謝志

劉仕迎妻高氏南昌人適劉三載仕迎卒高絕水漿誓

從地下姑再三慰解乃免舉遺腹子鉉撫孤守節奉詔

旌門

謝志

熊溢妻廖氏南昌人溢早卒廖守志不二勸翁娶妾生

子以續宗祀詔旌其門

謝志

胡閔妻劉氏南昌人閔登嘉靖鄉舉卒於途劉年二十八聞訃欲以身殉不食者累日祖姑徐哭孫喪明劉乃勉強饋粥事徐盡孝撫二孤俱克成立萬厯閒旌表

謝志

彭柏妻李氏南昌人年十八夫亡孝事舅姑撫二子里人共推其節

謝志

熊明遠妻吳氏南昌人熊籍進賢年二十七生子人定一歲而明遠卒吳曰有藐孤在良人不死矣撫子成立後以賊兵過里中吳同子婦走避龍岐沙洲賊至俱死

之謝

志

楊用才妻鄧氏南昌人年二十八夫亡守志閱五十三年如一日課子若孫各治儒業詔旌其門

謝志

羅大珏妻劉氏南昌人年二十三夫卒事舅姑撫遺

孤矢志茹荼竟成厥志年八十五而終

謝志

杜用和妻鄔氏豐城人年十八用和以苦學遘疾卒鄔

卽翦髮自誓課子業儒萬厯閒旌表

謝志

周期化妻章氏甯州人年二十五期化卒章翦髮納棺

中撫遺腹子希夔以終其身

謝志

熊惟燮妻何氏進賢人避亂走匿叢棘中被遊騎跡獲

挾之行至桂花塘投水不沒項受連刃死先是七月何

聞族中喻恭人以烈死慟哭嗟嘆曰世變不可測恭人

是吾師也至是果盡節

謝志

帥汝蘭妻張氏甯州人年二十五夫亡守節子方五歲

撫以成人生平縞素自處事後姑孝謹年七十六而卒

謝志

陳氏女甯州陳孟實孫女其母黃氏疾醫藥不能療陳

焚香籲天割股置糜中食之母病尋愈

謝志

謝天霽妻楊氏新建人未婚天霽卒楊望門守節矢志

不二萬歷閒立坊旌表

謝志

舒如英妻王氏靖安人年十七夫故萬歷四十四年巡

按陳于庭題請建坊

謝志

徐文珙妻張氏奉新人年二十歲文珙以痘瘡夭張哭

泣哀慟觸額於石矢志同死不食半月卒建坊旌表

謝志

廖邦本妻項氏奉新人年久鄭本歿矢志靡他年六

十餘巡撫王佐巡按陳于庭題請建坊

謝志

徐公一妻廖氏奉新人公一客死吳城廖聞訃泣命家

人曰吾不能獨生矣當葬我同穴遂潛自投繯死

謝志

劉日懋妻彭氏奉新人年十六歸於劉七日而日懋抱疾就醫外舍七月而歿彭哀痛絕粒徒步臨夫墓泣謂工曰幸空一坏土以待我未及期哀痛而卒合葬於墓

謝志

宋雍三妻熊氏奉新人雍三商於粵八年無音耗熊料

其必死有餌之改嫁者熊預備殮具一夕自縊死

謝志

蔣氏名愛貞武甯人其父存時納徐貢陳聘未歸而貢陳歿愛貞破鏡遺葬在室服喪誓不嫁富民爭強娶之兩訟於官得不果嫂陳氏年十九與愛貞同志守節愛

貞年六十七陳六十五卒

豫章書

方仁全妻楊氏進賢人年二十夫死無嗣依母家守節

奉旨建坊題曰節烈流芳

謝志

程邦翰妻譚氏進賢人夫死於楚譚年二十二子潮清甫週歲矢志育孤事姑姑病目盲禱天願代不數日而姑目明子潮清賓於鄉孫支甚眾謝志

涂三七妻趙氏靖安人年十九夫亡守節天啟聞旌表

謝志

余爍妻張氏進賢人年二十三而爍歿撫二子愛而能教事兩姑姑孝而能敬守節七十餘年天啟五年觀風使

者田珍題請旌表謝志

陶某妻鄧氏進賢人事翁姑甚孝其翁會三病甚鄧刲股以進服之稍愈再服竟全愈鄧弗言翁亦弗知後鄉里欲上其事鄧固辭曰吾盡吾心耳事在天啟七年三

月謝志

蔣汝璉妻雷氏豐城人汝璉歿雷欲自盡以妾有娠生

子堅志撫孤巡按曹谷具題詔旌貞節

謝志

丁棨妻呂氏豐城人早寡勵志撫孤紡績不輟其子卒

能成立巡按汪泗論具題詔賜粟帛

謝志

饒宇棨妻張氏新建人大學士張位孫女尙寶丞大朴女也宇棨進賢諸生戊子七月兵亂偕夫避河東被執兵將加刃於宇棨張因盡出釵釧贖其死兵卒害之張搶地哀號求徹席覆宇棨屍再拜成禮兵方促與俱去張曰吾相門女尙書子婦豈從汝行乎遂觸石死縣令

羅公儀爲文紀之

謝志

查仲儒妻陳氏甯州人事舅姑盡孝時家遭疫癘姑徐氏在牀褥家人悉遠避陳朝夕侍側竟無恙人以爲誠

孝所致徐病革以幼女及幼甥女託之曰汝善撫育吾
瞑目矣因感泣唯諾後皆爲之擇配厚嫁之

謝志

周先春妻熊氏甯州人歸周二年先春歿子必強僅半
歲熊守節訓子應崇禎乙亥年拔貢院司上其事奉旨

建坊曰令德天申

謝志

陳欽謨妻查氏甯州人年二十欽謨歿矢志不二先後
葬翁姑撫孤子成立州守黃文麟旌之

謝志

張士璵妻王氏甯州人鬪寇陷城士璵投楚舉義兵王
寓奉鄉中山以二稚子付其僕行焚香告天再拜大呼
夫名曰夫盡忠婦死節兩無憾也整衣自縊而死

謝志

舒駿聲妻陳氏才十妻陶氏進賢人寇亂俱被掠斷臂

不從行至境口呼天溺水死

謝志

周廷軌妻王氏新建人姑病王割股療之夫病又割股以進及夫喪王年二十四子士貢方襁褓諸父利其產欲奪其志王泣謂之曰未亡人恨不能從地下耳豈忍再醮但夫亡遺產無多倘悉以相付如藐孤衣食何諸父乃慚而止尋出所積婚配諸姪撫宗女後病且革子士貢籲天祝曰母能活姑救父豈不能自活遂割股王服之尋愈年八十六崇禎閒學使旌之曰孝節流芳謝志丁應復妻袁氏豐城人年二十應復歿無子苦志守節卒年八十一又李廷言妻熊氏年十七夫歿姑亦孀居熊竭力孝養訓育遺孤砥節五十餘年謝志涂崇義妻淦氏崇位妻張氏俱靖安人崇禎癸未流賊擁眾劫掠舉家登樓賊聚薪焚樓下呼二婦下樓免死

曰甯與夫俱死不與賊俱生事聞大吏旌之

謝志

吳氏南昌人許字辜良祐未婚而良祐卒吳誓不再適至夫家守節立孤存祀年八十而終葬夫塋側生兩樹藤交其上若連理然崇禎閒巡按葉成章疏請建坊題

曰柏操松齡

謝志

朱訥妻楊氏南昌人楊給諫孫女年二十三訥亡守節奉姑歷三十餘年崇禎閒建坊旌表

謝志

黃良輔妻謝氏南昌人年二十守節撫孤年七十旌表

謝病篤子詔宜刲股以療母節子孝萃於一門

謝志

汪思瀾妻舒氏南昌人進士舒曰敬女避兵窰湖追騎將及赴水死又胡文學妻萬氏亦同時殉難

謝志

王有文妻劉氏新建人苦節自守其子錫登崇禎庚辰

進士卽以母節上陳奉旨建坊旌表

謝志

王文學妻萬氏南昌人年十八夫亡撫孤守節至八十而終又胡希鼎妻魏氏守節歷四十年萬仁七妻胡氏守節歷五十八年魏天朴妻胡氏立嗣守節年八十七

卒

謝志

羅懷九妻吳氏南昌人早寡守節族以家貧議嫁之吳

赴水死

謝志

郭有孝妻龔氏南昌人年二十二撫孤守節年九十五

卒旌表

謝志

余思劉妻胡氏南昌人刲股救母伍達喬妻羅氏刲股

救翁人並稱其孝

謝志

舒一達妻謝氏靖安人年十九夫亡守節事舅姑以孝

聞撫二孤鏢鏘後登鄉薦

謝志

宮

一作官

懋妻楊氏南昌人年二十一守節郡守表曰厲

志松筠

謝志

李孝女南昌人進士李綦隆女幼讀書識章句矢志不嫁母亡哀毀值母誕辰一慟幾絕是夕跌坐誦佛而逝御史葉成章以事聞特旌

謝志

盛氏女武甯人諸生彌俊女也乙酉賊至舉家避匿山中賊搜獲欲辱之抵死不從驅至西門龍潭寺前甘言誘之女張目大罵遂撻刃而死

謝志

楊太冲妻新建人明社既屋江西尙議守聞兵至夫婦不食三日及城破左右相向而縊鼠纍纍銜棗栗諸果

祭之

忠烈紀實

胡桂萼妻熊氏良燿妻周氏俱南昌人桂萼喪熊食貧守節五十年如一日周年十九良燿卒孀居垂老世稱

一門雙節

謝志

李孝婦臨武人名中姑適江西桂廷鳳姑鄧患痰疾將不起婦隕泣憂悼聞有言乳肉可療者心識之一日煮藥燕香禱竈神因自割一乳昏仆於地氣已絕廷鳳呼藥不至出視見流血滿地大驚呼救傾駭城市邑長佐皆詣其廬命急治俄有僧踵門曰以室中斬艾傅之卽愈如其言果甦比求僧不復見矣乃取乳和藥奉姑姑

竟獲全

明史 謹案 史文稱 廷鳳 江西人 不知何府 今列南昌 末

劉氏南昌人正蓋女隨父流寓宿遷許聘管評未婚而評夭劉哀毀絕粒三日不死告父母欲之管氏致奠父

母從之莫畢歸室局戶自縊死撫按旌之鄉人喻文偉

令宿遷爲之立祠謝志有南昌丁文正妻魏氏奉宗妻熊氏

劉士沐妻陳氏唐思恭妻張氏熊準妻李氏魏世用妻

李氏熊朝卿妻徐氏朱大賓妻曾氏萬黎妻胡氏羅文

勝妻賈氏黃順妻陳氏劉仕可妻羅氏朱信堅妻劉氏

萬守纓妻劉氏萬富妻黃氏尹獻妻胡氏徐湖妻熊氏

齊言妻李氏李昌秦妻萬氏唐伯良妻史氏張頂妻熊氏

氏羅復業妻張氏萬煥妻劉氏新建鄧元吉妻戴氏耶

德彰妻夏氏陳倫妻譚氏談緒妻趙氏熊克相妻涂氏

豐城毛若欽妻李氏熊沛妻聶氏甘禎妻熊氏吳麟誌

駸妻蔣氏楊楠妻熊氏李楠妻鄭氏杜阜妻黃氏甘正李

瑞妻潘氏孫鋌妻熊氏劉氏李廷和妻丁氏劉禮妻李

氏李運二妻涂氏袁駿妻潘氏黃廷和妻丁氏劉禮妻李

氏鄒氏劉仲高妻喻氏袁伯乾妻關氏徐賢萬春妻吳

國朝

氏方義立妻支氏奉新余國相妻涂氏徐賢萬春妻吳

蔡氏汪庸妻張氏舒克正妻況氏舒沐妻余氏張彥妻

妻舒氏趙進妻程氏舒銳妻黃氏舒仲甫妻陳氏宋波

盛項氏武甯余遠山妻李氏

熊州俊妻甘氏豐城人順治初兵亂甘慮見偏急屬州
俊舍幼女負母逃州俊爲甘慮甘指水訣曰此吾死所

也遂赴水死巡按吳贊元題旌

謝志
府志

盧士瀚妻周氏武甯人年二十而寡遺腹僅三月周誓
天守節生子圖龍撫育成立順治丙戌領鄉薦後圖龍
謁選汀州司理迎養於任卒年六十有七巡按吳贊元

題旌

謝志

孫國忠妻皮氏豐城人年二十八國忠歿皮氏食貧苦

節訓育其子巡按王志佐題旌歲給粟帛

謝志

段氏南昌人許聘王國鼎歿段趨王門哀臨遂見舅
姑誓死守節歷二十九年卒巡按笄重光巡撫張朝璘
題請建坊邑人章起文爲之傳

謝志

范永祺妻李氏豐城人永祺初病李流涕願以身代既

歿誓志撫孤勤緝績爲教養巡撫張朝璘題旌

謝志

冷純如妻姚氏甯州人順治二年楚賊肆掠純如避地

於黃龍山或傳言已爲賊掠姚父聞之別謀字女時姚

年十六潛詣冷氏拜姑姑不之識也告之始省純如故

在乃成禮子孫累世稱盛

府志

陶忍妻姜氏進賢人順治五年賊熊成三強擄不從自

刎死康熙中旌

謝志

謹案謝志失名今據府志補

劉徵妻黃氏南昌人順治五年被賊掠去不從死後以

夫官贈孀人

謝志

吳廷訓妻蔡氏南昌人幼謹厚明敏聽父兄讀書輒解

大義長適吳家貧薪水皆出於蔡十指教子志灝登進

士卒零陵志灝嘗進帛衣卻不御年百餘歲卒謝志

胡以地母周氏南昌人年十九夫亡矢志撫孤孝事寡

姑歷一十七年孀居凡五十二年以節旌謝志

劉鳳儀妻張氏武甯人順治二年賊至抱二子匿山中

賊搜得之張怒罵曰吾秀才女秀才妻豈從賊也為賊

所殺府志

陶其鉞妻熊氏南昌人順治五年金聲桓兵叛奉姑詹

避亂瑤湖遙見賊舟擁至告姑曰此致命時也婦死矣

女伴執其袂熊曰禍終不免幸賊未迫不可辱賊手拂

袖自溺姑從之同舟投水死者甚眾府志 謹案康熙

謝志有胡守約妻姜氏魏懋先妻萬氏李繼亮妻涂氏

熊應補妻黃氏劉元鏡妻王氏劉鑿未婚妻王氏姚

瞻妻宗氏傅啟元妻朱氏子婦朱氏又許氏女府志有

江西通志卷二百七十二列女

鍾汝位妻樊氏鍾秉全母某氏鍾志寅妻楊氏鍾志定

卷之二十一 二 碑 三

妻龔氏婢緩兒張廷楮女淑英胡程策妻萬氏唐顯仲

繼妻楊氏劉良清妻鄒氏姚標名萬子一惺妻傅氏

氏姚標茂妻劉氏龔大萬妻羅氏徐華元妻萬氏涂景源

涂敬源妻徐氏龔泉妻鄧氏賡妻宗氏龔重開妻萬氏

妻李氏龔重華妻饒氏龔元賡妻宗氏龔重開妻萬氏

龔應謙妻熊氏龔應捷妻陳氏龔應拔妻王氏龔仲聖

妻柳氏龔仲賢妻余氏龔一寅妻喻氏龔起元妻何氏

龔瑜妻萬氏起元女引英萬國鑄妻劉氏蔡之祥妻萬

氏李機妻陳氏鍾璿伯妻朱氏鍾志善母龔氏鍾法賢

母龔氏袁星源女四德婢謝女萬舒珩妻李氏龔鍾法賢

慧姑周惟新妻黃氏周正官妻徐氏周德善妻龔氏龔連

孟丙妻王氏龔仲元妻劉氏龔英妻楊氏涂善述妻黃氏

妻閉氏涂曰虎妻李氏涂曰英妻楊氏涂善述妻黃氏

涂虬妻熊氏漆文卿妻姜氏萬戶妻龔氏萬斌妻樊氏

秦文炎妾倪氏劉良機妻丁氏李邦鵬妻姜氏萬文萃

妻周氏胡績燦女秀英徐允吉妻熊氏允吉子婦鍾氏

徐文隆妻劉氏章普霖妻姚氏涂履復妻章氏涂履職

妻萬氏涂履政妻萬氏李其妻梅氏劉魁妻喻氏劉仕

國妻龔氏劉曰駱妻龔氏劉元良妻袁氏劉元蓋妻萬

氏劉斯域妻龔氏彭廷芝妻涂氏李學熙妻郭氏樊某

妻劉氏李秀攻妻涂氏又某氏又案殉節婦女有構

子及女或從女孫同死茲據有姓名者附載餘見府

孝錄不具書

萬彙啟妻李氏南昌人順治五年兵亂彙啟不屈死李
年二十引刀自裁舅姑力挽之撫從子承祀終身縞素
一夕夢室垂白簾大書萬李合墓四字且謂其子曰簾
形似酉我殆以酉時死邪至期端坐而瞑

府志

程顯妻朱氏新建人明宗室鶴舉女也鶴舉仲子統銓
與顯同舉於鄉統銓復以女妻顯長子初顯居南昌順
治戊子兵變挈家走西山桐源兵至舉家四散或傳顯
已被戮朱謂子婦翁死吾不獨生汝子身何由自全婦
曰有同死耳朱自縊樹上已絕兵救復甦旋觸樹死婦
痛罵繼之兵前持婦婦嚙兵指血出奪刀自刎死是日
不雲而雷晝晦如夜同時婦女被執者多感激自盡里
人擲土掩其尸誌其石曰程氏二烈婦

府志

徐文璠妻朱氏新建人諸生尚赤女年十八歸徐有子

應鼇金聲桓叛戊子五月南昌被圍遊騎四出倉卒閒

朱不及避偪之上馬不從大罵曰甯可殺不可失節兵

怒割其左乳罵益厲傷三刃復斷其首而去二續表忠記 謹案

順治康熙間新建殉難婦女謝志有歐陽五叔妻穆氏

李一和妻鄧氏萬象妻胥氏程以身妻吳氏羅經淑妻

陳氏李勝妻劉氏譚廷琮妻文氏揆吏鞠某妻某氏葉

蘊華妻曹氏裘士光妻李氏李萬鑑妻朱氏歐陽觀妻

朱氏萬時興妻陳氏萬之祥妻熊氏潘象一妻姚氏喻

希周妻徐氏程肅二妻任氏劉定生妻方氏熊維翰妻

伍氏雷元璠妻黎氏萬烈女申秀府志有譚守斌妻夏

氏譚守恭妻夏氏曹建平妻朱氏劉尚友妻崔氏羅卷

九妻凌氏及其姒鄒氏鄭應秋妻陳氏

熊明暹妻袁氏豐城人順治間土寇起袁年十九懼汚
赴水賊彎弓迫之起袁不少動亂箭叢集池水皆赤越
數十年孫正哲娶李氏年二十四正哲亡撫從子為嗣

孝於舅姑白首不渝人稱世節

謝志

熊嗣蕃妻胡氏豐城人早寡無子金聲桓王得仁亂作

聞變自母家歸侍舅姑被執不屈遇害嗣蕃弟嗣貴嗣

賢從子有恆皆以救父故爲賊殺有恆妻沈氏亦罵賊

死嗣貴妻胡氏躍於河受七刃二矢賊去家人拯救得

不死世稱一門節烈

府志

謹案順治康熙間豐城殉難婦女謝志有余劍光妻晏氏劉

羽博未婚妻于氏府志有甘爲志妻蔣氏鄧文忠妻楊氏及甘氏女

饒元珙妻傅氏進賢人元珙官工部郎中順治二年七

月傅避兵許方潭賊乘舟至傅湧入水葛衫浮水上未

卽沒會賊舟自沈老僕出傅於水翼日元珙死難傅撫

尸痛絕良从始甦年七十五卒

府志

胡永益妻汪氏進賢人戊子之變被執罵賊不絕脅以

刃罵益烈賊怒以刀刺心背骨洞達賊退家人收其尸

貌如生

府志 謹案順治康熙間進賢殉難婦女謝志

有陶唐盛妻顏氏曾廷觀妻吳氏胡仕卓妻萬氏胡士從妻倪氏胡某妻余氏文夙成妻楊氏及饒氏

女靜貞府志有游雲昇妻王氏舒世體妻樊氏饒果妻丁氏朱三錫妻饒氏饒驥妻鄧氏

舒調熙妻朱氏靖安人順治戊子城陷調熙被執朱乞

以身代從之釋調熙朱遂罵賊以死

府志 謹案順治康熙間靖安殉難

婦女謝志有舒其在妻陳氏舒維竊妻錢氏及舒氏女乞秀府志有胡獻廉妻周氏項希顯妻劉氏

周先昇妻劉氏甯州人順治間賊入境劉奉母避中礮

山賊猝至欲殺其母劉以身衛俱爲賊害里人葬之題

碑曰劉氏救母殉節處

府志 謹案順治間甯州殉難婦女府志有時展成妻帥氏溫

捷生妻涂氏許易之妻王氏

劉元鐘妻吳氏妾朱氏南昌人吳年十七歸元鐘劉氏

居中洲梓溪爲南昌望族順治五年兵亂縱掠將及中洲元鎧攜家東渡如社岡避兵突騎驟出元鎧抱五歲子與妻妾奔原城流矢及之棄兒道旁廁中而走吳伏溝草中見朱被執罵甚厲騎縛以行不數十步過東溪跳躍索盡斷騎怒斫其頰死騎去吳出行數十步不能前遇鄰媪方脫簪求爲扶攜而騎忽大集吳握髮仰天號哭曰夫邪子邪吾死矣遂被執兵以刃背步步擊之且罵且哭行過南陂卽赴水死距東溪纔數百步時七月三日越三日殮肌體容髮並如生

榆墩集

葉德南妻周氏武甯人鼎革際流賊掠野周挾幼子扶姑避賊賊猝至獲其姑周請代賊舍其姑擁周行至邑之疊蓮洞度姑走遠厲聲罵賊脅以刃不爲動拾石擊

賊賊怒斫其面以死鄉人哀之名其地爲孝烈坡府志

羅廷璠妻楊氏新建人廷璠任楚雄知府歿於官所楊扶柩歸葬值戊子兵亂避於桐源爲流寇所掠不屈被

殺謝志

顏鳳麒妻喻氏新建人年二十五夫亡撫孤守節截髮

毀容躬自緝績奉孀姑十餘年喻有疾子懋德割股以進卽愈人曰賢母令子萃於一門康熙十六年謝志旌

徐思選妻龔氏進賢人年十六歸徐二十而寡奉姑訓

子潔志純心愈久彌勵子聖佑成諸生巡撫安世鼎題

旌徐仲洙爲之傳謝志

李美士妻龔氏新建人年二十一夫亡守節康熙三十

五年旌謝志

八年二十八矢志守節皆雍正六年旌

謝志

盧象謙妻趙氏南昌人年二十八夫亡誓節四十一年

雍正七年旌

府志

余觀生妻陳氏奉新人年十六歸觀生時曾祖姑猶在
舅攜子館外邑陳拮据朝夕爲糜粥奉堂上而自酌水
漿居十載夫歿苦節五十七年撫三子訓之皆成名年

八十有二卒雍正七年旌

謝志

涂文舉妻蕭氏南昌人涂籍新建蕭年二十七夫亡苦
節自誓家貧紡績易米以養孀姑自采野菜和羹而食
姑疾湯藥備至姑嘗言吾無子如有子獨苦兒婦耳遺
孤纔歲餘撫而教之成立雍正八年旌

謝志

周朝榮妻劉氏南昌人年二十八夫亡絕粒矢志身殉

孀姑無依以死持之者再劉強起治喪養姑盡孝姑喪子失明凡起居飲食疾痛扶持撫摩無弗備至立繼嗣奉周氏祀守節二十三年雍正八年旌謝志

張應蘭妻李氏南昌人年二十歸張踰歲夫亡撫遺孤以事舅姑苦節四十五年喻宗元妻彭氏南昌人年二十八夫亡撫孤奉孀姑矢節五十七年年八十四卒趙宗海妻熊氏新建人年十五歸趙七年夫亡奉姑撫遺孤苦節三十年皆雍正九年旌謝志

項銓妻龔氏靖安人年二十六夫亡家貧無子矢志苦節年六十有二卒謝志

熊來七妻周氏奉新人族豪夜入室偪之拔刀自殊三日未殞容色如生乾隆元年旌府志

徐方揆妻帥氏奉新人早寡通書史訓子應迎以孝經

小學未嘗出就外傅人擬之漢韋逞母乾隆二年旌府志

羅甯遠聘妻湯氏義甯州人年十五甯遠亡女聞欲往

視殮家人未許女櫛沐更衣自縊兩家爲合葬焉乾隆

三年旌府志謹案義甯州殉夫婦女府志有馬市某

妻李氏胡伊渭妻何氏冷廣修妻盧氏羅九麒妻堯氏

陳思汶妻查氏王交庭妻胡氏龔世念妻陳氏莫遜璣

妻陳氏冷忠棣妻李慶蓮袁洌妻胡氏莫遵湛妻王氏

冷鴻翎妻何氏龔爾玉妻熊氏徐第鈺妻李氏自泰

妻黃氏陳文瀚妻姜氏張精言妻陳氏莫遵泗妻樊氏

莫遵溪妻汪氏朱繩正妻陳氏曾乃九聘妻劉氏丁燮

妻孫氏王聘三妻李氏王頤妻張氏李殿登妻邱氏

羅興俊妻雷氏進賢人年二十七夫亡家甚貧盡鬻衣
被給喪具浚冬衣浴臥不解帶者十數年居恆糠糲自
飯精鑿奉姑撫孤子甫成立而亡爲叔娶婦而叔又亡

殮葬皆出十指乾隆十四年旌府志

舒涵妻劉氏靖安人年二十八涵亡劉事舅姑稱孝姑

目盲劉舐之而愈初遭夫喪以翦自毀其容曰吾甯改

面不改心也聞者哀之子衷鄉舉乾隆四十一年旌府志

張招妻余氏靖安人招故貧余歸三年招卒脫簪珥以

殮事翁姑曲盡孝養顧教子嚴或譖於其姑曰婦撻子

甚殆有異志余聞引刃自明姑奪之已傷頰見者皆爲

肅然子在茲孫景葵皆爲諸生乾隆四十三年旌府志

陳宗瑗妻鄒氏義甯州人年十有九夫亡斷髮截指以

示不貳撫遺孤芳獻長成諸生同邑朱光炯妻冷氏夫

亡截髮與鄒並稱於鄉府志

帥匡藩妻周氏義甯州人年二十有四生一子夫亡家

貧資糠爲粥以自給周母過而歎之周恐不諒己志引

火然髮以見志乾隆四十三年旌

府志

彭氏新建人大學士元瑞四女字禮部尙書曹秀先次子師程未嫁師程卒彭年十二聞耗一慟幾絕洎父母歿請歸曹氏師程兄師曾爲立嗣旣定女曰吾今得死所矣尋疾作里族爲之請旌以年例格部議師曾時官副都御史陳情具奏

特旨予

旌女北面謝歸寢而卒年四十六

府志

胡熊氏吳氏周熊氏進賢人世稱三烈婦初有胡鄧氏者煽蜚語巖三婦三婦投水死乾隆四十三年旌

府志

魏珍珠妻劉氏南昌人童養於魏未成婚無賴子魏哲

一造言巖之劉投水死乾隆三十四年旌

府志

鄧沐振妻王氏奉新人沐振久外出乾隆四十六年閏五月歸里六月又出十二月生子族無賴子以爲疑明年正月沐振歸王告以人言之誣旋自經死事聞無賴子論如律王以烈旌

府志

陳世章妻朱氏義甯州人世章官湖北保康知縣嘉慶元年會世興作亂保康故無城賊驟入朱懷印端坐賊持刃索印朱叱曰我命婦也官印在此汝何敢奪賊怒以長矛貫其胸死賊平士民爲之葬宜昌同知楊開鏡題曰忠烈夫人墓巡撫倭什布奏朱氏死節狀入祀節

孝祠

府志

裘麟妻鍾氏新建人麟爲文達公曰修子官編修卒鍾年二十六勵節撫孤事舅姑以孝謹著宗黨稱爲女中

君子嘉慶十七年旌府志

周秋烈妻楊氏靖安人饁耕歸遇強暴楊怒詈之中刃歸泣告於姑逾日而死縣令置強暴於法嘉慶二十五

年旌府志

袁藻妻陳氏義甯州人年十九歸袁嘗箠佐讀人稱賢達夫病刲股雜糞以進夫卒陳攜子翰書拜姑所曰以此累姑姑知其將殉涕泣止之奉姑教子艱難守節

道光三年旌府志

劉廷選妻吳氏南昌人廷選病亟兩割脇肉和藥以進

廷選卒不起枕尸悲號歷三晝夜而死府志謹案南

志有劉從先妻郭氏羅錫紛妻熊氏甘大憲妻龔氏萬

賢聘妻余氏劉起煜妻王氏熊舜序聘妻楊氏梅大垌
妻盧氏萬文舉妻傅氏涂居菊妻鍾氏熊學庶妻丁氏
劉仕勇妻陳氏李汝好妻周氏周一暎妻萬氏李時白

妻章氏鍾先湜妻喻氏張國忠妻袁氏萬惟勤妻余氏
熊日初妻吳氏盧正倫妻夏氏章元珍妻蕭氏張來譽
妻尚氏朱仁勞聘妻姜氏李之景聘妻喻氏徐彩文妻
羅氏劉相君妻萬立銖妻譚氏劉曰瓚妻李氏劉起俊
袁以漢妻鄧氏萬立銖妻譚氏劉曰瓚妻李氏劉起俊
妻魏氏劉起烈妻龔氏譚泰豐妻熊氏彭邦式聘妻吳
氏袁克遇妻熊氏胡某妻趙氏吳方廷妻第氏姚世作
妻涂氏姚某妻徐氏蔡昌屋妻徐氏蔡先第妻喻氏丁
象明妻王氏魏其有妻王氏萬方晉妻鄭氏傅勳鍾氏
王氏周之乾妻楊氏顯菁妻龔氏朱守詮妻許氏黃世龍
衷炳奎妻喻氏閉顯菁妻龔氏朱守詮妻許氏黃世龍
妻龔氏郭道愉妻仰氏彭惟貢妻胡氏章聲佩妻羅氏
鍾采芹妻熊氏李某聘妻劉氏信
英蔡錦中妻徐氏章會平妻胡氏

周朝祥妻謝氏南昌人夫死絕粒三日家人抱其子至

曰如宗祀何乃食家貧種蔬自活會大旱鄰女或出乞
食謝不往曰願餓死耳或勸售圃地泣曰先業也一鄉

義之府

李學璠妻趙氏南昌人夫亡年二十一絕粒姑強之乃

食趙能詩善琴嘗集杜甫詩爲續列女操十章每奏輒泣姑病趙禱於天獲愈會姑亡趙又嬰疾子婦以藥進趙曰吾所不死者以姑在子幼也今姑以天年終而汝

且抱子吾從夫泉下可矣不藥而卒

府志

許孟福女名杏花南昌人幼讀書父歿哀慕不已兄嫂皆敬之族無賴子播浮言杏花忿甚餓六日死後以烈

旌

府志

何之圯聘妻萬氏南昌人未婚之圯病亡母欲奪其志萬引刀斷指曰女薄命不得事夫子復不得事舅姑而事他人是禽獸耳吾不爲也後歸夫家事舅姑稱孝府志曹必通妻劉氏新建人年三十而必通卒矢志自守家貧藉縫紉以自活風雪天寒日不再食歲以爲恆卒撫

孤子成立

府志

王應鍾妻胡氏新建人年二十六守節撫孤嘗自銘其座右曰生死存吾道冰霜見我心病篤猶手畫忠厚奮

志四字以喻其子

府志

曹振先妻羅氏新建人振先疾羅望北斗而禱頓首血出與髮凝結終身不解夫亡斷左手食指以示不貳

府志

袁定楷聘妻張氏新建人年十八昏有日矣定楷病死張欲奔喪不得媒妁或潛來別議所字女有兄子方五

歲故依女女忽告嫂兒不善臥嫂自撫之是夜女投繯

兒忽呼其母曰姑縊矣裂窗而視女已氣絕

府志案新建殉

夫婦女府志有鍾天滋妻萬氏高安鄧某妻熊氏何維傑妻李氏凌宗柄妻魏氏蔡有侶聘妻方氏程逢珩妻徐氏蕭偉賢聘妻管氏譚晉沐聘妻鄧氏唐開貴聘妻萬氏劉紹傳妻胡氏鄧一平妻陶氏鄧自模妻羅氏陶

起黃妻唐氏張氏喻支梧聘妻歐陽氏萬兆麟妻裴氏柔和璋妻吳氏鄒自謨妻羅氏萬寅筠妻熊氏祖松林妻尚氏裴允立妻劉氏歐陽允臣聘妻彭氏汪洪達妻李氏余拔財妻閔氏陶支模妻徐氏熊詞湯妻黃氏徐某妻黃氏

章時智妻樊氏新建人年十六時智疾亟樊籲天請代歷三月時智卒不起家有祖姑事之維謹祖姑憐其少而無子也微示其意樊長號欲絕乃不復言祖姑歿寄食母家病瀕死力屬其家人必葬夫側鄉人哀之稱曰

真節婦

府志

夏際讜妻邱氏新建人年十七際讜卒剪髮明志矢不再適紡織自給勤勞無少怨卒擇繼嗣撫之成立年七

十八卒

府志

袁道庚妻吳氏豐城人吳年二十歸道庚時道庚羸疾

已支離牀蓐吳事之維謹及疾革執吳手訣曰吾誤若
矣死當他適吳誓以身殉道庚死五日而葬臨穴以首
觸棺血流牆霎家人護之以歸夜自縊死年二十二

府志

謹案豐城殉夫婦女府志有熊明傑妻翁氏謝賢棋

妻李氏葉岵山妻李氏蕭維賢妻管氏杜成九妻熊氏

萬光旭妻楊氏徐祖涯妻何氏熊邦倫妻葛氏熊日得

妻范氏左榮正妻何氏熊修光妻潘氏萬賓鏞妻熊氏

蘇秉彩妻熊氏呂祐周妻鄒氏呂克聖妻梁氏楊人材

妻劉氏熊先忠妻周氏曾勝訓妻李氏蔣維翰妻徐氏

李士拔妻范氏楊煥興妻毛氏盛廷梅妻楊氏蔡永祥

妻熊氏熊聖入妻夏氏徐燦二妻周氏周鳴盛妻丁氏

許德高聘妻袁氏劉赤元妻蔣氏楊明構妻葉氏譚葉

淑妻鄒氏李言恭妻范氏關於堦妻周氏曾勝遠妻徐

氏李連清妻盧氏李允貴妻曾氏王颺升

妻陳氏袁克福妻周氏熊正世妻楊氏

楊浹妻袁氏豐城人守定曾孫女家世文學閨範雍秩

年十八歸浹浹讀書於外暴疾遽卒袁撫屍慟哭絕食

飲者三日以立嗣請於翁姑告其父架曰兒不貽父母

羞請歸語母毋過慟傷明日自縊死

府志

謹案青城紀事袁氏父作乾

隆王子舉人監與此異又稱監妹適某姓未嫁守貞附誌之

鄆維康妻周氏豐城人歸鄆五年維康死勵節撫孤親

爲講說文史夜分無閒時方修邑志周以家乘載有遠

祖至善爲元刑部侍郎忤權臣被害前志未錄乃手錄

事實籲請立傳其通曉大義類此

府志

吳先佑妻鄒氏豐城人年二十一夫亡禮事舅姑教子

爲學成諸生緝績所積建亭通衢施茶以濟渴者人稱

爲節義亭

府志

朱習玩妻范氏豐城人年二十八夫亡祖姑陳姑鄒兩

世養婦家故貧乏益勵節操冬夕天寒以幼子溫祖姑

已伴姑宿聞兒嚶輒起就祖姑寢乳之不以爲勞初夫

死昇棺出葬值大雨水漲橋沒棺不能渡范親入水執
紼柩隨繩達羣驚神助後姑亡未葬鄰火及室廬撫棺

慟哭火亦遂熄

府志

涂綏祖聘妻李氏豐城人綏祖勤學以勞疾死訃至李
投繯家人救之不死請於父母歸涂氏守節坐臥一小

樓紡績不輟雖家人罕得見之

府志

丁仕炳妻熊氏妾曾氏豐城人仕炳卒親屬強取所遺
而偁之嫁曾隨熊泣訴於邑宰得直曾有遺腹後四月
生男嫡庶共撫之織紵自給卒以成立曾年踰六十先

熊卒

府志

余景曙妻李氏豐城人年二十五夫亡於楚哀痛瀕死
或諷之他適李曰從一而終古今大義我舅姑家法孝

謹奈何貽門戶羞怒叱之去篤志撫孤紡績自活府志

杜元妻丁氏豐城人四歲讀書成誦十歲解吟詠十九

適元爲繼妻未幾元卒丁憑棺號絕逾時始甦事姑撫

孤清節自守逾年孤殤撫從子鏞爲嗣口授文史嘗爲

誠子詩有學者如航星宿海幾人撐得到中間句盛傳

於時鏞長將陳言請旌丁曰未亡人守節分耳其毋請

人益賢之府志

齊汝成妻喻氏進賢人年二十七夫亡家貧無子賴女

紅爲養其舅姑嘗言有兒婦在如兒未亡也又十年自

縫衣裳及履縕於夫墓族人合葬之府志謹案進賢

奇懿夏妻姜氏朱文梅妻劉氏支賢九妻萬氏章

名涇妻龔氏王聯裘妻萬氏朱衣聘妻陳浚英

魁縣令李方榕上其事於大府府志

饒氏名月嬋進賢人幼字南昌楊匯川年二十未婚楊

病療死月嬋衰經歸楊歷二十餘年以節孝稱府志

舒翰妻涂氏進賢人翰為邑諸生蚤卒涂年二十四撫

子汝諧亦成諸生已而汝諧又卒孫未周歲子婦夏氏

守節撫孤如其姑孫長能文尋又死鄉里歎為苦節府志

舒學書妻熊氏進賢人年二十二夫亡子生二月家貧

無所依倚熊立志守節剪髮以誓子長娶婦吳氏不二

年子又卒吳有清操如其姑府志

朱全琛妻舒氏進賢人琛嘗與叔及從兄泛舟遇風舟

覆叔兄皆溺琛入水援叔起復入援兄力盡俱斃有二

子甫週歲舒年十九守節撫之卒以成立府志

趙尙松妻吳氏進賢人年二十四夫亡無子或諷改適
吳怫然曰婦人從一而終無子改醮行同禽獸矣乃立
從子爲嗣吳年三十四卒

府志

彭敏祚妻劉氏奉新人年十五夫亡母欲奪之吞鍼以
誓立嗣守節年八十一卒

府志

李知簡妻余氏奉新人年二十八夫亡姑老子弱勤苦
持家清操自守姑歿殯葬如禮子亦成立年九十四卒

四世一堂

府志

宋士樸妻熊氏奉新人年二十八夫亡有欲奪其志者
熊搏土爲夫像被以遺衣冠事之如生人知其志乃不
敢言恆鍵戶紡績足不輕出年七十五卒

府志

張鳳翥女淑先奉新人父病淑先隨兄侍湯藥父病尋

瘞淑先以勞瘁卒檢其遺篋得禱天代父之疏府志

嚴善吉妻劉氏奉新人年二十五夫亡哀慟不已越二

十二日閉戶自經道光二十五年庭府志殉夫婦謹案奉新

徐樹杰妻余氏羅震繼妻熊氏帥國材妻閔氏彭觀瀾

安羅氏劉寶森妻羅氏劉慎敬妻羅氏羅鳳藻妻窩氏

鄒人鈞妻廖氏帥維煜妻鄒氏許振嘯妻楊氏

涂緒章聘妻鄧氏靖安人未嫁夫亡誓以身殉父母憐

而慰之潛佩聘物自縊死府志謹案靖安殉夫婦

趙日正妻舒氏靖安人年二十四夫亡毀容守節府志

舒亮妻繼妻宋氏靖安人及笄歸亮妻撫前妻子振甲

如己出人稱其賢亮妻嘗病宋事之維謹年三十夫亡

撫子成立振甲歷官州縣奉母之官宋猶搏節日用以

勵其子成廉吏府志

舒貞女靖安人父某與沈氏子同行伍家貧沈時恤之
因申婚姻而以女字沈會女父死叔故狡詐謂其母曰
有女如此何爲作兵子婦母亦意奪女聞自誓有死無
貳沈來議婚叔厚索聘沈知女叔之故善許也竟辭去

方議他適女自經死

府志

閔定杭聘妻陳氏靖安人童養於閔未婚定杭卒父母
議改適女泣曰身已拜姑嫜矣不敢從父母命數年又
有欲奪其志者陳決死自誓旋以疾卒年未三十

府志

鍾峯寡妻楊氏武甯人年二十三夫亡遺一子翁與叔
迫嫁不從翁怒不與田產楊種荒山自給有謝某者謀

欲娶之楊覺自經死

府志

謹案武甯殉夫婦女府志

舒士雋妻余氏李浣池妻卽氏陳思舒妻方氏余翠華
妻盧氏温敬賢妻曾氏劉俊熙妻周氏葉維新妻張氏

葉彩琳妻柯氏劉俊淑妻杜氏盛溥思妻李氏陳世鉅妻王氏張英潘妻盛氏張煥之妻鄧氏柯際志妻劉氏舒達才妻盧氏葉顯翰妻邵氏章文暄妻陳氏石勝玲妻盛氏張光淡妻翁氏林良譜妻葉氏陳鴻業妻董氏劉潔吾妻盧氏武甯人潔吾墜馬死有利其產而欲奪

盧志者盧置石臥內曰有偏我者決命石下垂簾爲限

唯使一婢通命年七十八卒

府志

余子楨妻盧氏武甯人嫁七年子楨死家徒壁立盧穉兒行句誓不再適艱難撫子卒以節終同里張積朗妻

貧寡無子沒齒無怨

府志

張越啟妻杜氏武甯人年十五生子希聖又一歲而夫

亡杜截髮以誓紡績字孤希聖長成諸生

府志

盧宜雲妻陳氏武甯人早寡無子盡截其髮割左耳眇一目以誓其志人盡哀之立從子觀海爲嗣艱苦勵節

絮襖累歲補綴重七斤歿以爲殉同邑周朝富聘妻李氏盧全詩妻余氏潘涓烈妻某氏葉期煥妻繆氏夫亡

並截髮自矢

府志

熊垣妻湯氏武甯人年二十三夫亡遺屋一間鬻以舉

喪依寡嫂居自食其力寸絲粒米不受人憐

府志

鄧支悌聘妻盧氏武甯人支悌備舟溺水盧年十六篤

志守節取盃擲地誓曰盃不復完義不別適

府志

張大棟妻葉氏武甯人年十九夫亡遺孤甫一周翁又

繼歿葉盡鬻隘具治喪縞衣百結

府志

萬賢裔妻丁氏武甯人年二十夫亡自經以殉姑救之

而止守節撫孤遇賢裔忌日輒慟哭遂眇一目

府志

黎秉元妻王氏武甯人事姑孝年二十二夫亡子顯榮

生六月每抱兒泣曰三世一脈賴此耳飲冰茹檠卒撫

以成立

府志

盛學榮妻周氏武甯人年十九夫亡孝事舅姑家貧采

蕨爲食終無貳

府志

余汝科妾熊氏武甯人科年四十無子納熊科亡遺腹
生孤及晬而孤夭熊大哭曰妾忍死須臾爲余氏存一

脈耳今何望哉夜投竹節潭死

府志

劉新妹武甯人生甫周歲養於柯氏爲柯子愈連婦甫
五歲愈連殤九歲其舅以字周氏子新妹幼故未之知
也十三歲周氏議娶新妹始聞之慟哭而投於水其舅
救止以不醮給之乃安十七歲周氏復議娶嫁有期矣
家人爲之製履新妹曰盍先素者問何取義曰嫁必除

服乃可從之新妹潛易素履端坐自縊教諭蔡錕等爲

伐石表墓鐫記其事

府志

廖會文妻溫氏義甯州人賃耕武鄉無賴子伍某挑之
溫輒潛刃自衛伍乘隙驟偪溫出刃相向伍奪而刺之
死有司雪其冤以烈旌同里冷廷秀妻樊氏遇強暴見
殺事白題旌

府志

何鳴鳳妻陳氏義甯州人事舅姑孝敬臻至年二十四
夫亡翦髮納棺投繯以殉舅姑曉以大義乃止躬自紡
績嘗出餘貲修河梁鄉人義之

府志

舒勤交妻樊氏進賢人年十八勤交死翦髮誓節撫從
子爲嗣會粵賊驟至入三陽市市人阻水不能脫樊遣
子雇舟往渡活者無算鄉里感之稱爲節義

府志

胡元吉妻劉氏新建人道光癸巳元吉病劇長子家玉侍大父在旌德任次子三子俱幼姑又年老劉晝夜侍湯藥弗能愈遂禱於天割臂肉和羹進之翼日疾竟瘳

後以家玉貴褒贈如例

府志

黃永泰繼妻楊氏四川石耶司土官光文女永泰豐城人客蜀中聞其賢娶之既歸以不逮事舅姑每祭盡誠敬永泰晚居湖南永綏未幾卒黃年二十八攜幼子扶柩歸葬畢告諸子曰吾不敢從爾父死者莫撫爾成立可顯揚也豹死畱皮人死畱名爾父樂誦斯語吾弗敢忘年五十九卒後子仕清仕順官叅將仕林官提督得

褒贈如制

府志

袁某妻萬氏南昌人袁客常德粵賊犯南昌萬自度不

免以藹自剗其胸須臾死先是賊將入門萬碩鄰嫗曰

吾生名門適於舊族豈爲賊屈他日賊遁夫歸乞以此

相白耳時年二十八府志 謹案南昌婦女殉粵賊之

氏僕婦楊氏陶裕貴女楊蘊華妻周氏喻庸蕙妻陳氏

黃承祐妾趙氏富姑壽姑婢來金饒麟沛妻李氏歐

陽某妻毛氏萬寅球妻吳氏龔世增妾祝氏萬方清妻

裴氏子婦程氏女興官孫女櫻官蔡應七女秀英陳治

梅妻李氏陳平定妻黎氏黎立堂妻李氏吳光華妻萬

氏吳席珍妻舒氏吳岐山妻龍氏子凌高妻萬氏吳衍

九妻陳氏黃頤壽妻胡氏女祥熙從女才姑僕妻陸氏

忠義錄有熊道遜妻萬氏楊春華妻李氏萬方清妻許

氏吳謙泰妻沈氏及歐陽烈女

陳夢齡子婦雷氏名榮秀新建人年十四未婚遇粵賊

於西山被害府志 謹案新建婦女殉粵賊之難者府

鴻妻羅氏羅會茂妻楊氏徐在柱妻唐氏喻世曾女長

秀萬仁傑妻陳氏劉其聯女愛秀瓊秀李繩麟妻陳氏徐

熊紹繡女蕙英蘭英劉名詔妻楊氏徐世宗妻陳氏徐

咸折妻劉氏熊永本妻鄧氏程統茂妻廖氏唐泰湖妻

劉氏女蓮秀鄒盛選妻萬氏李長祥妻熊氏女杏秀李
某妻熊氏李長亨女仙桃李欽堂妻熊氏子婦鄒氏女
美秀楊高典妻萬氏盧允俊妻鄒氏女九英子婦繆氏
盧縣祥妻賈氏盧承才妻萬氏熊啟堂妻胡氏鄒運信
妻夏氏印虔肥妻李氏喻大懷妻夏氏煙有梅女忙秀
雷克彬妻范氏程支壽妻傅氏子婦郭氏宋宜芳妻余
氏宋近清妻劉氏裴獻章妻彭氏女文秀忠義錄有萬
青選妻裴氏任崇熙妻勸氏李氏高妻郭氏葉中模妻
張氏王業
覓妻某氏

劉兆洪妻李氏豐城人年二十一夫亡守節甚著清操

咸豐開粵賊石達開竄境李顧女福英曰身不可辱也

曷死爲無憾女泣應之同沈於水李年四十三女年十

八同治七年旌府志有蔡夫入妻徐氏周廷彥妻熊氏

史遠淵妻毛氏李公湧妻曾氏夏國珍妻王氏陳輪高

妻楊氏雷揚圖妻喻氏徐言九妻楊氏熊奇五妻盧氏

女菊花周泰邦妻黃氏鄒故四妻萬氏徐包一妻饒氏
李朝二妻熊氏劉國舒妻何氏周南九妻聶氏李茂富
妻黃氏羅運忠妻鄒氏楊耀臨妻徐氏子婦徐氏陳瑞
三妻余氏楊福元妻傅氏女蘭妹熊義萬妻楊氏熊品

秦妻丁氏鄧持三妻徐氏曾高發女徐松茂女鄭廣發
女仙秀從子婦羅氏謝光祖母朱氏妻鄆氏鄒達五妻
王氏子婦熊氏陳華珍妻俞氏傅飛鵬妻熊氏周才高
妻朱氏史從耀妻毛氏熊文浪妻曾氏徐洲九妻魏氏
萬瑞楠妻章氏何如龍妻徐氏
徐正鴻妻黃氏徐光輝妻黃氏

趙曰金妻溫氏進賢人年二十三夫亡守節逆賊竄境

怒罵遇害府志謹案進賢婦女殉粵賊之難者府志

胡蘭安妻吳氏王維有妻曹氏鄆對揚妻吳氏葉起義
妻胡氏曹承年妻張氏鄭昌魁妻徐氏侯賽揮妻焦氏
辜仁和妻傅氏萬貴立妻喻氏胡東山妻陳氏周得勝
妻曹氏廖梅交妻周氏忠義錄有周鳳書妻譚氏吳宗
璧妻宮氏王志均妻
陶氏黎際隆妻周氏

余才本女奉新人年十五未字咸豐六年賊入境脅之
行自投於水賊曳之起女給賊曰我孱弱願徐行而從
汝賊信之行未數武女又曰衣溼須易服賊入近邨取
衣遂投池死忠義錄

徐正侃妻廖氏奉新人事姑孝咸豐七年賊入室圖劫

掠廖語賊曰有金藏門前池中賊往求不得廖曰我取

之自投於水死

忠義錄者府志不爲立傳縣志半紀姓氏茲據

忠義錄列女傳編入又忠義錄傳尙有王光連妻廖氏

徐業煥妻程氏金錫銜妻閔氏周先招妻熊氏廖鐸華

氏舒采麀妻鄒氏靖安人夫亡子殤孝姑維謹道光中與

舒展妻涂氏並以節旌咸豐辛酉鄒於魏家嶺遇賊挾

刃脅財帛鄒怒曰我有財不助官軍助汝賊邪賊憤甚

割鄒兩耳仍罵不絕復刃之腰頸皆穿而死鄒有孫懋

項賊退始爲藁葬哭一月亦死

忠義錄謹案靖安婦

有陳光春母蕭氏妻黃氏女殉粵賊之難者府志

氏林良遠妻陳氏子婦蕭氏羅福梓妻吳氏羅貞吉妻

舒氏陳苞六妻曾氏

談洪誌妻傅氏武甯人咸豐間爲賊所執怒罵不屈剖

腹死府志 謹案武甯婦女殉粵賊之難者府志有熊

謝氏 世梁妻楊氏 楊澄玉妻 盛氏 張佐山妻 周氏 子婦

廷翁妻 邱氏 余良探妻 王道明妻 黃氏 余祥月妻 王氏 余

翁氏 茂錦妻 陳氏 晴象烟妻 冷氏 象洪妻 李氏 朱茂 錄妻

蕭氏 黃先銳 蘭妻 盧氏 黃祖 緒妻 李氏 女 某 荷 德 流 妻

張氏 凌世淮 湯氏 某妻 陳氏 楊善 德妻 朱氏 潘 運 亨 妻 張

文海妻 彭氏 余廷松 吳繼 梧妻 黃繼 祖妻 汪氏 潘 運 亨 妻 張

盛氏 李之球 盛廷松 吳繼 梧妻 黃繼 祖妻 汪氏 潘 運 亨 妻 張

王氏 葉隆安 李吳 萬滿 王勝 折妻 李駢 校妻 鄧氏 大 妻

海陽妻 鄭氏 葛盛 辨妻 盛氏 海環 妻 劉氏 翁 英 珍 妻

石氏 劉彥富 妻 石氏 子婦 張氏 盛 聲 妻 翁 氏 劉 顯 棠

潘運坊妻 石氏 鍾詩 耀妻 余氏 盧宣 讓妻 余氏 黃 高 茂

妻 陳氏 龔二 興妻 吳氏 余賢 灼妻 盧氏 盛 泊 如 妻 劉 氏

妻 姚氏 田功 妻 廖氏 潘文 潤妻 王氏 忠 義 錄 右 王 瑞 臺

氏 妻 京

陳兆吉妻余氏義甯州人咸豐五年城陷賊殺兆吉余罵賊賊怒劊其腹余方姪兒隨刃出呱呱而泣賊驚走

賊酋聞之凶燄少戢於是城中得有遺民

府志

冷煜瀛妻盧氏義甯州人煜瀛官都昌訓導咸豐間禦

賊陣亡盧伏哭於尸所爲煜瀛理髮厲聲罵賊賊斷其

舌死鬚猶在握勿釋也後以烈旌

府志

女殉粵賊之難者婦

志有冷梅開妻徐氏女蒲貞陳秦岑妻董氏何廷華妻

劉氏張酉書妻石氏梁營香妻周氏張濟美妻何成錦

延純妻胡氏冷某妻徐氏查樹芬妻左氏劉氏從子

妻熊氏龔世常妻時氏何象成妻李氏婦劉氏胡象

婦徐氏郭氏從女佛秀菊秀福秀林炳南妻張氏胡象

環妻丁氏徐慶齡妻胡氏玉山妻雷氏盈琢妻余氏文漪

妻陳氏王懋照妻陳氏熊遐齡妻汪氏典妻余氏石文霖

妻黃氏從子婦黃氏女菊秀從女桂秀徐肇勤妻甘氏

冷遇洪妻岳氏查慶妻余氏涂雲妻徐勤妻甘氏

熊氏胡道成妻游氏徐俊升妻饒氏雲妻徐勤妻甘氏

母鄒氏慕伊妻盧氏陳亮月妻王氏陳在免妻丁氏溫

容妻彭氏石敬康女完貞朱璧連妻向氏陳世會妻
氏世孚妻劉履和妻向氏陳學清妻石氏查泰妻某氏鄰光循
母某氏劉履和妻向氏陳學清妻石氏查泰妻某氏鄰光循
占還妻李氏鄒秀三妻甘氏陳浩生母徐氏福元妻盧氏
氏從女揚鳳揚杜從孫婦周氏從女孫煥菊余揚蘭母
陳氏錦烈何氏徐氏孫婦鄧氏胡氏從女杜秀榮樹功
妻徐氏周載弁妻胡氏周石珍妻陳氏周芬妻徐氏周
南垣妻徐氏陳立成妻石氏黃光森妻溫氏黃某妾楊
氏詹躍天妻李氏黃億萬妻王氏黃積達女黃姑李壽
山妻溫氏楊公善子婦方氏陳廷彥母某氏妻徐氏陳
廷勸母某氏妻彭氏徐秉直妻周氏徐建功妻何氏陳
品飾妻張氏女梅秀劉和軒妻張氏女恩瑚子婦溫氏
會發昇母錢氏戴邦平妻王氏周某妻查氏杜宏受妻
周氏盧某妻戴氏查易謙妻丁氏吳世英妻黃氏劉榮
喜妻彭氏劉華疏妻石氏余揚明妻黃氏查光集妻張
氏徐建傑妻何氏劉華才妻余氏陳某妻鄭氏忠義錄
有余光林妻吳氏
盧某妻丁氏

江西通志卷一百七十一